

Sr. Arturo Werleman, director di Fundacion pa personanan cu Limitacion Intelctual:

Aruba lo participa na weganan di verano 2007 di Special Olympics na Shanghai China

Lo tin 10.0000 atleta y 30.000 bishitante cu ta biniendo di 120 pais

Ta invita henter e pueblo pa haci donacion na e 14 atletanan di Aruba y delegadonan cu lo viaha otro siman pa Shanghai China

STA. CRUZ – A cuminza un iniciativa entre e partnership di Paseo Herencia y Fundacion Special Olympics Aruba cu e meta noble pa laga e atletanan di Aruba yega Shanghai China pa participa na e weganan di verano di 2007. Segun sr. Werleman na e weganan aki lo tin 10.0000 atleta y 30.000 bishitante cu ta biniendo di 120 pais cu lo participa. Sr. Werleman a splica cu Special Olympics ta un programa cu ta ofrece deporte adapta na personanan cu un limitacion intelectual y fisico. Segun sr. Werleman cada persona cu tin un limitacion por haci un deporte. Por ehempel tin atleta cu ta hunga pingpong mescos cu tur otro atleta. Tin weganan di pingpong pa esnan cu ta den rolstoel, cu dificilmente por haci e deporte aki. Asina tin

tur deporte adapta segun sr. Werleman y Special Olympics Aruba kier duna e atletanan un programa, caminda tin training henter aña y haciendo deporte. Loke cu Special Olympics Aruba kier logra ta pa duna e personanan special aki mihor calidad di bida. Den e caso aki segun sr. Werleman e personanan aki ta haya movecion, nan ta bira mas saludabel, nan ta sali y nan ta socializa. Fuera di esaki nan ta competi, cu ta duna nan e empulhe pa bringa pa nan bay dilanti. Segun sr. Werleman hopi biaha un persona cu limitacion ta hala atras, pa motibo cu e ta bisa cu e tin un deficiencia y segun e no ta bay dilanti y den e caso aki atraves di e deporte ta desaroja estimulo pa bay dilanti pa bringa pa gana. Segun sr. Werleman

pa e preparacion aki tin diferente coach y lugarnan na Aruba ta coopera cu Special Olympics Aruba. E training no ta solamente na momento cu tin wega mundial of regional, pero e training ta bay door henter aña. Sr. Werleman a participa cu di e atletanan a scoge 14 persona y nan a wordo scogi a base si nan ta bay train constante, di e conducta cu nan ta muestra den e disciplina di 4 categorianan cualnan ta landamento, atletismo, pingpong y bowling. Segun sr. Werleman a cuminza scoge e team y a cuminza intensifica e trainingnan, cu awor ta double. Entre otro banda di e trainingnan cu ta cuatro vez pa siman ta haya cooperacion di diferente gym y masahista na Aruba. Segun sr. Werleman e programa di preparacion ta uno hopi

intensivo pa e atletanan pa momento cu nan yega China, nan ta fit. Lo tin tambe screening medico, etc. Segun sr. Werleman loke falta ta fondo. Sr. Werleman a informa cu banda di e 14 atletanan aki ta bay 7 persona mas cual ta coachnan, como guianan special pa personanan cu tin limitacion. Segun sr. Werleman Special Olympics Aruba no ta traha solamente pa atletanan di Fundacion na Piedra Plat, pasobra tin otro atletanan tambe di Emma School, Caiquetio School of cu ta integra den mercado laboral, cu tambe ta train y ta haya chance pa bay competi afor. Segun sr. Werleman cu e iniciativa aki cu ta hopi

bunita por cera e buraco cu tin. Fuera di esaki, e ta bay ta un evento, caminda e pueblo por bishita Paseo Herencia, bay cera conoci cu e atletanan pa desea nan suerte y bisa nan ayo ya cu e siguiente siman e atletanan aki lo viaha pa China. Pa e fundrasing aki Special Olympica a invita diferente centro y a manda carta na banconan y service clubnan. Por pasa na Paseo Herencia y haci entrega di bo donacion riba e dia ey. Esaki lo bay ta un merdia ameno, caminda lo ta presente tur e atletanan, coachnan, directiva di Special Olympics y esaki ta bira un fiesta. Ta invita henter e pueblo pa haci su donacion.



Diadomingo awor ta bay ta e prome evento di Paseo Herencia, unda Paseo Herencia ta bay yuda e team di Special Olympics

STA. CRUZ -- Paseo Herencia a conta di un evento di fundraising cu ta planeando, cual ta e prome evento na Paseo Herencia. Den e caso aki Paseo

Herencia a scoge pa apoyu na Special Olympics.

Paseo Herencia ta e orguyo di Aruba y ta mas cu un shopping center, pa motibo di

ta tambe homenahea Aruba su cultura, su hendenan, cu musica y arte.

Ta duna aporte na fundacionnan aki na Aruba

pa yuda nan yega nan meta. Diadomingo awor ta bay ta e prome evento di Paseo Herencia, na unda cu Paseo Herencia ta bay yuda e team di Special Olympics

pa nan yega na nan meta, pa logra cera e placa cu nan tin mester pa nan hiba un team di atletanan special pa Shanghai pa participa den e Special Olympics.